



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA

Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229

Sjedište: ul. Jaroslava Černija br. 8, tel: 033 237-655, 033 447-741; fax: 033 440-658, www.viksa.ba

Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

KANTON SARAJEVO
SKUPŠTINA KANTONA SARAJEVO

Sarajevo, 23.05.2024 god.

Broj: 4226 / 24

ul. Reisa Džemaludina Čauševića 1
71000 Sarajevo

Predmet: Odgovor na zastupničku inicijativu / dopis broj 01-04-25816-33/24 od 14.05.2024.godine

Poštovani,

U skladu sa zastupničkom inicijativom zastupnika Davora Čičića, sa 15. Radne sjednice Skupštine Kantona Sarajevo, koja glasi „*Da se u sklopu KJKP VIK osiguraju blagajne gdje će građani moći plaćati račune bez provizije na platni promet ili da se sa operaterom „BH pošta“ dogovori plaćanje računa bez provizije.*“, obavještavamo vas o slijedećem:

Preduzeće kako bi prilagodilo svoje poslovanje modernim trendovima i omogućilo potrošačima lakše izmirivanje svojih obaveza, pokrenulo je postupak javne nabavke u skladu sa Zakonom o javnim nabavkama BiH, gdje je kao najpovoljniji ponuđač odabrana BH Pošta. Pomenutom odlukom potrošačima je omogućeno plaćanje računa bez provizije u više od 50 poslovnica BH Pošte u Kantonu Sarajevo, a sve u cilju poboljšanja ove usluge građanima. Pored navedenog potrošačima je omogućeno elektronska dostava računa, kao i plaćanje istih elektronski putem banaka, gdje su troškovi provizije manji. Preduzeće ima sklopljen Ugovor za plaćanje putem e-režija sa slijedećim bankama: Bosnia Bank International d.d., ASA Banka d.d., UniCredit Bank d.d., Intesa Sanpaolo d.d. i Sparkasse Bank d.d.

Ugovor s BH Poštom bio je na snazi od 01.04.2023. godine do 30.04.2024. godine gdje je preduzeće na svoj teret preuzimalo troškove provizije, a koji su u tom periodu iznosili preko 960.000 KM.

Preduzeće je od strane Vlade Kantona Sarajevo zaprimilo Zaključak broj: 02-04-46633-28/22 od 17.11.2022. godine kojim je zaduženo da otkloni sve propuste koji su navedeni u Izvještaju o reviziji finansijskih izvještaja zaključno s 31.12.2021. godine sačinjenog od strane „RE-CONTROLINGA“ d.o.o. Zenica, kao i izvještaja o finansijskoj reviziji KJKP „Vodovod i kanalizacija“ d.o.o. Sarajevo rađenog od strane Ureda za reviziju institucija FBiH. Ured za reviziju institucija FBiH kao osnovni problem poslovanja i funkcionisanja preduzeća navodi nepoštivanje Zakona o komunalnim djelatnostima Kantona Sarajevo. Navedenim zakonom u članu 22. stav 6. propisano je da „Ukoliko se cijena usluge utvrdi u nižem iznosu od stvarne cijene koštanja, razliku sredstava će nadoknaditi Kanton, Grad, odnosno općina“.

Slijedom navedenog Vlada Kantona Sarajevo imenovala je Neovisnog stručno tijelo rješenjem broj: 02-04-15900-33/22 od 14.04.2022. godine čiji zadatak je bio da se utvrdi validnost kalkulacije i konačni prijedlog visine cijena usluge vodosnabdijevanja pitkom vodom, odvodnjom i prečišćavanje otpadnih voda za korisnike KJKP „Vodovod i kanalizacija“ d.o.o. Sarajevo.

Neovisno stručno tijelo utvrdilo je validnost kalkulacije i konačan prijedlog visine cijene komunalnih usluga i dostavilo ga Vladi Kantona Sarajevo dana 14.03.2023. godine na postupanje. Dostavljeno mišljenje do današnjeg dana nije bilo predmet razmatranja.

Kao i što ste upoznati cijena usluge vode i odvodnje je posljednji put donesena 2013. godine i nakon toga nije bilo njenih korekcija.

U međuvremenu se desio niz poskupljenja na tržištu po više osnova, a na koje preduzeće nije moglo uticati što je automatski rezultiralo povećanjem troškova poslovanja. **Troškovi poslovanja su se u periodu od 2021. godine do današnjeg dana povećali za oko 18.8 miliona KM** i to iz razloga:

- Povećanje troškova električne energije su rasli usljed povećanja njene cijene u 2022., 2023. i 2024. godini (6.2 miliona povećanje u odnosu na 2021. godinu);
- Troškovi zaposlenih sa 23.4 miliona KM na 29.8 miliona KM, (bez obzira što se konstantno smanjuje broj zaposlenih sa 890 na 830 radnika čime su ostvarene značajne uštede u iznosu preko 1.3 miliona KM na godišnjem nivou), usljed potpisivanja kolektivnih ugovora između Vlade KS (gdje su predstavnici Ministarstva komunalne privrede, infrastrukture, prostornog uređenja, građenja i zaštite okoliša bili pregovaračka strana) i Sindikata za 2022., 2023. i 2024. godinu (6.4 miliona povećanje u odnosu na 2021. godinu);
- Troškovi rada Postrojenja za prečišćavanje otpadnih voda Butila su rasli radi povećanja troškova amortizacije, jer se isto računovodstveno aktiviralo čime je ispunjena preporuka Revizija. Napominjemo da prečišćavanje otpadnih voda nikad nije uključeno u cijenu vodnih usluga (6.2 miliona povećanje u odnosu na 2021. godinu).

Obzirom na izuzetno tešku finansijsku situaciju u kojoj se nalazi preduzeće, a o kojoj smo više puta obavijestili Ministarstvo komunalne privrede, infrastrukture, prostornog uređenja, građenja i zaštite okoliša kako pismeno, tako i usmeno, prinuđeni smo obustaviti uslugu plaćanja provizije preduzeću BH Pošta što ne znači da građani i dalje ne mogu plaćati račune u istoj.

Pored navedenih problema preduzeće zbog nepoštivanja Zakona o komunalnim djelatnostima Kantona Sarajevo ima i problem tekuće likvidnosti odnosno nije u mogućnosti izmirivati redovno svoje obaveze prema zaposlenicima i dobavljačima.

S poštovanjem,



2 Direktor

[Redacted signature]
MA Rusmir Salic